



BOSNA I HERCEGOVINA
VIJEĆE MINISTARA
Generalno tajništvo

Broj: 05-50-981/09
Sarajevo, 4.5.2009. godine

BOSNA I HERCEGOVINA PARLAMENTARNA SKUPŠTINA BOSNE I HERCEGOVINE SARAJEVO			
PRIMLJENO: 06-05-2009			
Organizaciona jedinica	Klasifikaciona oznaka	Radni broj	Broj priloga
01-50-1-154809			

PARLAMENTARNA SKUPŠTINA
BOSNE I HERCEGOVINE

- Zastupnički dom -


SARAJEVO

PREDMET: Odgovor na zastupničko pitanje – dostavlja se

Vijeće ministara Bosne i Hercegovine, na 85. sjednici održanoj 29.4.2009. godine, utvrdilo je odgovor na zastupničko pitanje koja je Rifat Dolić, zastupnik u Zastupničkom domu Parlamentarne skupštine Bosne i Hercegovine, postavio na 48. sjednici ovog doma održanoj 18.3.2009. godine.

U privitku dostavljamo odgovor uz molbu da isti uručite zastupniku.

S poštovanjem,



GENERALNI TAJNIK
Zvonimir Kutleša



**BOSNA I HERCEGOVINA
VIJEĆE MINISTARA**

Broj: 05-50-981/09
Sarajevo, 29.4.2009. godine

Rifat Dolić, poslanik u Predstavničkom domu Parlamentarne skupštine Bosne i Hercegovine, na 48. sjednici održanoj 18.3.2009. godine, postavio je sljedeće poslaničko pitanje:

„Koliki je broj i kakva je predmetna personalna i druga struktura tužbi koje se protiv Bosne i Hercegovine vode pred Međunarodnim sudom za ljudska prava u Strazburu i koliko u prosjeku traje procesuiranje tih tužbi?“

Na postavljeno pitanje, Vijeće ministara Bosne i Hercegovine je na 85. sjednici održanoj 29.4.2009. godine, utvrdilo sljedeći

ODGOVOR

Prema podacima Europskog suda za ljudska prava, pred tim Sudom je tijekom 2003. godine podneseno **94** aplikacija protiv Bosne i Hercegovine, tijekom 2004. godine **221** aplikacija, tijekom 2005. godine **209** aplikacija, tijekom 2006. godine **243** aplikacija, tijekom 2007. godine oko **705** aplikacija, te tijekom 2008. godine oko **971** aplikacija. Krajem 2008. godine, pred Sudom je bilo u postupku oko **1500** aplikacija protiv Bosne i Hercegovine, s tim da se oko 1100 aplikacija odnosi na problem stare devizne štednje. Od ukupnog broja aplikacija koje su u postupku pred Sudom, **80** aplikacija je do sada dostavljeno Bosni i Hercegovini na očitovanje i zastupanje.

Aplikacije koje su do sada dostavljene Uredu zastupnika Vijeća ministara u najvećoj mjeri se odnose na problem stare devizne štednje, neizvršenje presuda domaćih sudova koje se odnose na ratnu štetu i staru deviznu štednju, zakonitost zatvaranja i uvjete smještaja neuračunljivih počinitelja kaznenih djela, nestale osobe, povrat vojnih stanova, te na diskriminaciju zbog nemogućnosti kandidiranja za člana Predsjedništva BIH i za zastupnika u Dom naroda Parlamenta BIH.

Od ukupnog broja dostavljenih aplikacija, u periodu od kolovoza 2004. godine, kada je prva aplikacija dostavljena Bosni i Hercegovini pa do danas je riješeno ukupno **55** aplikacija. Među odbačenim aplikacijama su i aplikacije tzv. „Alžirske grupe“ i aplikacije u svezi smjene domaćih dužnosnika odlukama Visokog predstavnika za BIH.

Procesuiranje ovih aplikacija u prosjeku traje od tri do četiri godine, ovisno o vrsti slučaja. Međutim, ako Sud da prioritet u rješavanju predmeta, onda postupak traje oko dvije godine. Takav je bio slučaj u predmetu tzv. „Alžirske grupe“ gdje je sud zbog težine povreda na koje su se aplikanti žalili dodjelio ovom predmetu prioritet u rješavanju.



BOSNA I HERCEGOVINA
VIJEĆE MINISTARA
Generalno tajništvo

Broj: 05-50-2175/09
Sarajevo, 30.7.2009. godine

 **BOSNA I HERCEGOVINA**
PARLAMENTARNA SKUPŠTINA BOSNE I HERCEGOVINE
SARAJEVO

PRIMLJENO: 31-07-2009			
Organizaciona jedinica	Klasifikaciona oznaka	Redni broj	Broj priloga
01-50-1-15-48/09			

PARLAMENTARNA SKUPŠTINA
BOSNE I HERCEGOVINE

- Zastupnički dom -

SARAJEVO

PREDMET: Odgovor na zastupničko pitanje – dostavlja se

Vijeće ministara Bosne i Hercegovine, na 95. sjednici održanoj 23.7.2009. godine, utvrdilo je Odgovor na zastupničko pitanje koje je Rifat Dolić, zastupnik u Zastupničkom domu Parlamentarne skupštine Bosne i Hercegovine, postavio na 48. sjednici ovog doma održanoj 18.3.2009. godine.

U prilogu dostavljamo Odgovor uz molbu da isti uručite zastupniku.

S poštovanjem,



GENERALNI TAJNIK

Zvonimir Kutleša



**BOSNA I HERCEGOVINA
VIJEĆE MINISTARA**

Broj: 05-50-2175/09
Sarajevo, 23.7.2009. godine

Rifat Dolić, poslanik Predstavničkog doma Parlamentarne skupštine Bosne i Hercegovine, na 48. sjednici Predstavničkog doma, postavio je sljedeće poslaničko pitanje:

« Koliki je broj i kolika je finansijska vrijednost pravomoćnih presuda sudova u BiH na teret Budžeta institucija BiH na svim nivoima, čije izvršenje je odloženo sukladno donesenim entitetskim zakonima o odlaganju izvršenja pravomoćnih presuda i neodrživoj pravnoj inovaciji „ako njihovo izvršenje ugrožava funkcioniranje institucija vlasti.?

Koliko su ovim odlaganjem izvršenja pravomoćnih presuda ugroženi ljudska prava i pravni sistem u BiH i u kojoj mjeri je prisutna opasnost zloupotrebe ovakvih zakonskih odredbi od strane institucija vlasti u BiH?»

Na postavljeno poslaničko pitanje, Vijeće ministara Bosne i Hercegovine, u smislu člana 37. Zakona o Vijeću ministara Bosne i Hercegovine («Službeni glasnik BiH», broj 38/02), na 95. sjednici, održanoj 23.7.2009. godine, utvrdilo je sljedeći

ODGOVOR

Ministarstvom pravde Bosne i Hercegovine obratilo se Visokom sudskom i tužilačkom vijeću Bosne i Hercegovine a zahtjevom za dostavljanje informacija i podataka u vezi postavljenog poslaničkog pitanja. Kako Visoko sudsko i tužilačko vijeće ne vodi evidenciju po ovim kriterijumima, to su zatražili podatke od sudova svih nivoa u Bosni i Hercegovini, te je time došlo do kašnjenja u sačinjavanju odgovora na poslaničko pitanje.

Stim u vezi, a na osnovu prikupljenih podataka ističe se da su sudovi u Bosni i Hercegovini donijeli ukupno 1.325 rješenja o obustavi izvršnog postupka pokrenutih na osnovu pravosnažnih presuda u kojima je dosuđeno isplaćivanje novčanog iznosa na teret budžeta Bosne i Hercegovine, entiteta, kantona i jedinica lokalne samouprave. Ukupan novdani iznos dosuđen u navedenim pravosnažnim presudama je 22.626.244,66 KM.

Visoko sudsko i tužilačko vijeće Bosne i Hercegovine napominje da tri suda (Osnovni sud u Banja Luci, Općinski sud u Sarajevu i Općinski sud u Travniku) nisu dostavila podatke u skladu sa zahtjevom, te će isti biti naknadno dostavljeni.

Nadalje, građani Bosne i Hercegovine sve češće zaštitu osnovnih ljudskih prava traže pred Evropskim sudom za ljudska prava u Strazburu. Pred Evropskim sudom za ljudska prava u Strazburu trenutno se vodi oko 1.400 predmeta protiv BiH i sve veći broj građana BiH ima potrebu tražiti zaštitu svojih prava pred ovim sudom. Najviše predmeta protiv naše zemlje odnosi se na pitanja stare devizne štednje, neizvršenja presuda domaćih sudova kojima je dosuđena "ratna šteta" ili "ratna potraživanja". Ukupni iznos potraživanja prema BiH po osnovu tužbi koje su u postupku pred Sudom u Strazburu iznosi oko devet miliona, a do sada je protiv BiH doneseno šest presuda, na osnovu kojih je aplikantima zbog ustanovljenog kršenja prava isplaćeno ukupno 1,8 miliona KM.

Takođe, nesporno je da izvršavanje presude koju donese bilo koji sud mora se smatrati sastavnim dijelom "sudskog postupka". Međutim u Bosni i Hercegovini postoje "zakonske" nemogućnosti izvršenja presuda kojima se nalažu isplate. Ove presude predstavljaju značajan dio velikog javnog duga, i cijeni se da je osporavana zakonska interevencija opravdana, te da ovim nisu povrijeđena prava koja su zagarntovana, a i stečena pravosnažnom presudom. Ovo pravo bi bilo iluzorno ako bi pravni sistem Bosne i Hercegovine dozvolio da konačne, obvezujuće sudske odluke ostanu (trajno) neizvršene na štetu jedne strane.

U skladu s navedenim i Evropski sud za ljudska prava u Strazburu istakao je da nije dozvoljeno da državne vlasti navode nedostatak sredstava kao ispriku za nepoštivanje obaveza proisteklih iz presude (predmet: Jeličić protiv Bosne i Hercegovine), ali odgoda izvršenja presude može se pravdati pod određenim okolnostima, s tim da odgoda ne može biti takva da naruši suštinu prava koje štiti član 6. paragraf 1. Konvencije o zaštiti ljudskih prava i osnovnih sloboda.



25.6.2009. godine

Ministarstvo pravde Bosne i Hercegovine
n/r g-din Bariša Čolak, ministra

PREDMET: Dostavljanje informacija

VEZA: Dopis Ministarstva pravde Bosne i Hercegovine (broj: 05-07-14-3862/09)

VSTV-13- 1702-25062009

Poštovani,


Dopisom, broj gornji, Ministarstvo pravde Bosne i Hercegovine obratilo se Visokom sudskom i tužilačkom vijeću Bosne i Hercegovine (u daljem tekstu: "Vijeće"), sa zahtjevom za dostavljanje informacija povodom poslaničkog pitanja poslanika Predstavničkog doma Parlamentarne skupštine Bosne i Hercegovine, gospodina Rifata Dolića. Pitanje se odnosilo na broj pravosnažnih presuda čije je izvršenje odloženo iz razloga što bi „ugrozilo funkcionisanje institucija vlasti“

S tim u vezi, a na osnovu podataka koje smo prikupili, želimo Vas obavijestiti o slijedećem :

- Sudovi u Bosni i Hercegovini donijeli su ukupno 1.325 rješenja o obustavi izvršnog postupka pokrenutih na osnovu pravosnažnih presuda u kojima je dosuđeno isplaćivanje novčanog iznosa na teret budžeta Bosne i Hercegovine, entiteta, kantona, i jedinica lokalne samouprave.
- Ukupan novčani iznos dosuđen u navedenim pravosnažnim presudama je 22.626.244,66 KM.

Napominjemo da su nas iz tri suda (Osnovni sud u Banjaluci, Općinski sud u Sarajevu i Općinski sud u Travniku) obavijestili da ne raspolazu traženim podacima ili su dostavili podatke koji nisu u skladu sa Vašim upitom. Pomenuti sudovi su pozvani (dopisi u prilogu) da iznađu način da obezbijede tražene podatke i da nam ih hitno dostave, kako bi Vam iste naknadno stavili na raspolaganje .

S poštovanjem,


Milorad Novković

predsjednik Visokog sudskog i tužilačkog vijeća BiH

U prilogu: kao u tekstu.